

Enformaziuns y Comunicaziuns

Consèi de Ploania: Eniann d'otober gnarál endô lité danö le Consèi de Ploania. I enviun dōta la comunité da se fá ponsiers sön che co podess daidé y ince da valuté enstësc da se lascé mëter sön lista y sté ete tal Consèi. Iolan belo danfora.

Jogn: Le grup dai Jogn d'Al Plan enviëia jones y jogn y manco jogn ala inaudaziun dal salif dai jogn nō, en sabeda ai 28 de ma ales 11:00 danmisdé.

Seniorenclub/1: En lönesc ai 23 de ma ales 18:00 él te dlijia la funziun de ma por i senioren, abelida dal Cor dal Seniorenclub.

Seniorenclub/2: En dedemesaledema ai 25 de ma ván a Bad Dreikirchen. An pëia ia ales 8:02 con la ferata da San Laronz demez por jí cina Tluses, spo ennant con le bus cina Villanders y dedò na picia ora a pe. Al é saurí da jí. Por jí cina San Laronz con l'auto pón telefoné a Lidia, al 339/7899107.

Griliada dles families: En jöbia ai 2 de jügn (festa nazionala) organisëia le Zënter Families la griliada dles families, ete dla Pera. La griliada mët man ales 12:30. Por chi co ó, s'encuntun ales 11:30 dan calogna d'Al Plan, por jí ete a pe o cola roda. Al é da s'anunzié anter le dedölönesc ai 31 de ma pa Luca dla Raiffeisen al 338/6690440. Por la marëna vëgnel damané en contribut de 5,00€ a porsona.

Curs/1: Le Consèi de Formaziun d'Al Plan mët da jí en curs por emparé da fá cremes y angonc con produc naturai, y emparé da lí les etichetes dai produc cosmetics. Ai 30 y 31 de ma te salif de calogna. Referënta é l'apotechera dra. Veronika Canins. Al costa 35,00€ a ce. Enformaziuns y prenotaziuns al 338/7588992 danter les 20:00 y les 22:00.

Curs/2: Les Patrones de Mareo organisëia en curs da grillé con Pire Rubatscher, ai 4 de jügn pal Ciastel da Ras, dales 12:30 ales 18:00 za. Al gnará fat sot forma de marëna con 7 - 8 derzades y döt gnará ciarcé y mangé deboriada. Le curs é davert a düc. Prenotaziuns pa Verena al 340/3455675.

Referat: Le SaJ Val Badia y la Consulta Provinziala Ladina dai jogn enviëia ala sëra d'enformaziun sön le "Frabiché y abité por la jonëza tla Val Badia", en vëndres ai 27 de ma ales 20:00, te salif dla Raiffeisen. Thomas Walder, (Pensplan AG) baia dal "Sparagn por la ciasa" (Bausparen), Thomas Pescolderungg y Manfred Vanzi (Cassa Raiffeisen Val Badia) baiará dal finanziamont por la ciasa. Dedò él temp por la discussiun.



La comunité d'Al Plan ti aoda döt le bun, sanité y benedisciun a **Roj Johannes Van Leeuwen y Iris Pedevilla** por le Bato de picio **LEVI JOHANNES**

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. **333 4762010** Mail: **ploaniaalplan@gmail.com**
Download plata: **www.unitepastorala.org**



Plata dla Ploania Al Plan de Mareo San Vighile

Ploan: **Signor Heinrich Perathoner**
E-Mail: **ploaniaalplan@gmail.com**

Calogna Al Plan: **0474 501006**
Radio de Ploania: **93,00 MhZ**

UNITÉ PASTORALA



VAL BADIA

www.unitepastorala.org

Ann C **22.05.2016 - Santiscima Trinité - Domëgna dles Families** nr. 26

Le Spirit ves condüjará te dōta la lereté!



Dal Vagnele do San Jan 16, 12 - 15

Te chël tomp á Gejú dit a sù discepu: ¹²I á ciamó trep da ves dí, mo sën ne sëise nia bogn da porté na te' ciaria. ¹³Mo canch'al vën ël, le Spirit dla lereté, ves condüjarál ete te dōta la lereté. Deache al ne baiará nia fora de se enstës, mo al dijará ci che ël alda, y ves encüdará ci co gnará. ¹⁴Ël me glorificará; deache al tolará de ci co é mio y s'al encüdará. ¹⁵Döt, ci che le Pere á, é mio; porchël ái dit: Al tol de ci co é mio y s'al encüdará. **Parora dal Signur. - Lalt a te, Gejú Crist!**



Domëgna dles Families

"La Domëgna dles Families mët al zënter le valur dal matrimone y dla familia, y oj la orëdla sön chës porsones, olache la vita deboriada é da peres, o cinamai jüda endalater", scrí



la Diozeja por la festa da encö. Signor Tone Fiung enviëia en particular da se dé jö con le documont "Amoris Laetitia" de Papa Francësch, olache al vën fora "che Papa Francësch á sensibilité, atenziun y ascuta sö (...) zonza spraizé le dëit". Signor Tone á ince dé fora 13 de pices brosciüres sot al titul "Gottes Liebe ist so wunderbar", con impuls pratics por tigní festes religioses, üsanzes y rituai te familia. An les ciafa tal Ofize Pastoral dla Diozeja.

Gesalbtsein ist Christsein. Aber was heißt und wie geht Christsein heute? Christus traut Christen etwas zu. Er traut euch, die ihr durch die Firmung im erwachsenen Christsein gestärkt werdet, euren unersetzlichen Beitrag zu einer menschlichen und gerechten Welt zu.

Papst Franziskus bei seiner 1. Firmung als Papst

Domègna: 22.05.2016.: Festa dla SS.Trinitè: Dom. dla Familia

Oferta por i bojugns dla Ploania

9.00: Proa dal Grup Mosaic por la S.M.

10.00: S.M. de rengraziamont por la Familia y afidamont a Santa Maria



Lön. 23.05: Feria dla VIII. Domègna dal ann: S.Desiderius

7.20: S.M. por les Püres Amimes

S.M. por +nc' Prousch Vijo y Christina

S.M. por +nt Pitscheider Richard

S.M. por +nt Silvio Taibon Lè dla Creda

18.00: Maiandacht dai Seniores con le Senioreclub

Dédol. 24.05: Feria dla 8. edema: Sa.Ester, Sa.Dagmar

7.30: S.M. a La Pli

19.30: Funziun de mà: Corona

Dédem.25.05 Feria dla 8. edema: S.Beda Venerabilis, S.Gregöre VII

18.00: S.M. por +nc' geniturs de Carlo y Marianna Erlacher

S.M. por +nc' Clara Pire y Maria, de Ghedl

S.M. por +nt Battisti Domenico

S.M. por +nta Mutschlechner Crepaz Rosa, dal Pech

Jöbia 26.05: Feria dla 8. edema: S.Filip Neri, Sa.Maria Anna

19.30: S.M. a La Pli

18.00: Corona de mà – Uniun dles Ères

Vèndr.27.05.: Feria dla 8. edema: S.Agostin da Canterbury

7.10: S.M. por i scolari

S.M. por +nc' Nese y Franz Trebo, dal Pêsta

S.M. por +nt Hans Leimegger, Hotel Condor

S.M. por +nc' Jan y Christina Vollmann, Ras

Al Ciüch 19.30: Corona de mà

Sab.28.05.: Sancta Maria in sabato: S.German, S.Wilhelm

17.00: Poscibilitè da se pissié

18.00: S.M. aniv. por +nt Erlacher Jep de Corcela

S.M. por +nc' Jepele y Loise Call, bocà

S.M. por +nc' dla Fam. Trebo, Cone da Val

S.M. por +nta Simonetta Ponzini Zorzi

Domègna 29.05: Solenità dles Antlès: Prozesciun Eucaristica

Oferta por i bojugns dla dlìja


8.30: S.M. a La Pli

9.30: S.M. solenne en onù y rengr. dla SS.Eucaristia
Prozesciun Eucar. Con 2 Vangeli y Benedisciun

14.00: Funziun dal Bato: Levi Johannes van Leeuwen

18.00: Prozesciun dles Antlès a Mantèna

Benedisciun dal rü y dai punc'



Festa dla SS. Trinité

I nes signun tal enmon dal **Pere**, dal **Fi** y dal **Spirit Sant**

canche i tolun o y dun l'ega santa,

dales benedisciuns,

da mèter man la S. Mèssa, la Corona ...

"Rengraziade Idio, nosc Pere, vigne de por döt, a ennom de nosc Signur Gejú Crist!"

(Colossesc 3, 17)

Ligrèza y bona vèia dess sontí túa anima vigne de, ince encö, ciódi:

- la grazia de Dio é te nos,

- la providènza de Dio é entres sora nos,

- l'amur de Dio é con nos tal Santiscim Sacramont,

- nosc PERE é Chèl Bel Dio enstès,

- nosc fre é so FI Gejú Crist,

- so SPIRIT SANT abitèia de y net tal tompl de nost'anima,

- nosta speranza y nosta patria é le Paraisc.

Por cösc podunse sontí ligrèza

y se sté en pésc ince encö.

Porchèl dijunse iolan,

vigne de danö!

Consacraziun dla familia

O viria Maria,

dala crusc jö á Gejú orü t'afidé

a te duc sü discepui:

i orun azeté cösta scincunda

y te tó ete te nosta ciasa desco oma y ideal.

I te consacrun nosta familia deplèn a te,

che te la lieies tres plö adöm tla fede

y la fejes frèma tal amur.

Renforzèia, tal respet önn por l'ater

y tla fedelté,

nosc amur santifiché dal sacramont dal matrimone.

Fá ch'i ti orunse bun ala vita,

ch'i la defenunse dal pröm momont ennant

y ch'i ciarunse de èra tla vedlaia y tla maratia.

A to cör, oh Oma, t'afidunse nostes ligrèzes y soferonzes,

les dificoltés da vignedé, le laur y le stüde,


ch'i sunse bognd da se deporté da cristians coerènc.

Dèidesse te nosc empègnda éster daverc y solidars

defrunt ai püri y ai soferonc,

ch'i sunse tal monn en segno tler dal amur de Dio.

Acompagnèisse sön nosc tru. Amen



Der Glaube
lässt uns begreifen,
dass es etwas Unbegreifliches gibt.
Anselm von Canterbury (1033-1109)

Sorvisc dai Ministronc

Lönesc 23/05 (07:20h); Dédemesaledema 25/05 (18:00h), Vèndres 27/05

(07:10h): Roman y Tomas Oberlechner;

Sabeda 28/05 (18:00h): Marlene Palfrader, Gabriel y Paul Trebo, Sofia Willeit, Nathan Migliorati, Alexa Ties;

Domègna 29/05 (10:00h): Lucia Obwegs, Luianta, Moltina, Max y Linda Clara, Lara Fappani, Miller Francesco Suani, Caspar y Moriz Videsott, Sofia Alberti;

